

# ***Ilanngussaq H***



INATSISARTUT

## **Aningaasaqarnermut Aatsitassanullu Naalakkersuisoq**

Ulloq: 13. april 2015

J.nr.: 01.31.11-00014

**Aningaasaqarnermut Akileraartarnermullu Ataatsimiititaliamit pingasunngornermi ulloq 15. april, nal. 18.00 imaluunniit inersuarmi ataatsimeereernerup kingorna ataatsimiittarfik 1-imi siunersiorneqarnissamut aggeqqusissut.**

2015-imi aningaasanut inatsisissatut siunnersuut pillugu Inatsisartut suleriaasianni § 19 naapertorlugu siunersiorneqarnissamut Aningaasaqarnermut Aatsitassanullu Naalakkersuisoq Aningaasaqarnermut Akileraartarnermullu Ataatsimiititaliamit matumuuna aggersarneqarpoq. (UPA 2015/7).

### **Aningaasaqarnermut Ataatsimiititaliap oqaaseqaatai apeqqutaalu:**

Aningaasaqarnermut Ataatsimiititaliap 2015-imi aningaasanut inatsisissatut siunnersuummut ilassutitut apeqqtai oqaaseqaataalu matumuuna nassionneqarput. Ataatsimiititaliap 18. marts 2015-imi apeqqutaanut Naalakkersuisut akissutaasa Aningaasaqarnermut Ataatsimiititaliamit misissorneqarnerat apeqqutinut pingaarnertut tunngavigineqarpoq.

Tassunga atatillugu apeqqutit makku Naalakkersuisunit akineqarnissaat Aningaasaqarnermut Akileraartarnermullu Ataatsimiititaliamit kissaatigineqarpoq:

Immikkoortut normui taaneqartut ataatsimiititaliap 18. marts apeqqutaanut normuliunneqartut assigaat.

### 3.4. Immikkoortoq 2, Aningaasaqarnikkut ingerlatsinermi anguniakkat.

Apeqqut a)-mut Naalakkersuisut akissutaanni oqaaseqatigiit siulliit ersernerlularput. Paatsoortoqaqqunagu akissutip erseqqinnerusumik oqaasertalersorneqarnissaanik Naalakkersuisut qinnuigineqarput.

### 3.9 Immikkoortoq 3.2, Kommunit aningaasaqarnerat, (apeqqut b-mut akissummut atatillugu)

Kommunip ataatsip avinneqarnissamik kissateqarnera ataatsimiititaliamit isumaliutigineqarpoq. Tassunga atatillugu kommunip akiitsuisa kommunit nutaat marluk akomanni qanoq avinneqarnissaat Naalakkersuisunit qanoq eqqarsaatigineqarnersoq paasisutissiissutigineqassasoq ataatsimiititaliamit kissaatigineqarpoq.

### 3.11 Immikkoortoq 3.2.1, Naligiissaareriaaseq ataatsimoortumillu tapiissuteqariaaseq nutaag

(apeqqut b-mut akissummut atatillugu)

Naligiissarinnermut aaqiissuussineq pillugu isumaqatigiissut qaqugu naammassineqartus-  
satut Naalakkersuisunit naatsorsuutigineqarpa? Suliamut tassunga atatillugu suut akim-  
miffiusutut Naalakkersuisunit isigineqarpat?

### 3.20. Immikkoortoq 6, Naalakkersuisut salliutitaat

Allannguutissatut siunnersuut nr. 134 Naalakkersuisunit saqqummiunneqarpoq, tassani  
allassimalluni 20 mio. kr.-it ukiuni missingersuusiorfiusuni isertitassaraluit annaaneqassasut.  
27. november 2014-imili paasissutissanik allanik Naalakkersuisut sulitigusaqarsiman-  
nginnerarlugit Naalakkersuisut akissuteqarnerannut tamanna qanoq ataqatigiippa?

### 6.2 Konto pingaarneq 20.05.44 EU-mik suleqatigiinnissamut isumaqatigiissummit isertitat

EU-mik suleqatigiinnissamut isumaqatigiissutip aqunneqarneranut EU-mullu nalunaarusior-  
tarnermut atatillugu sulisunik avataaneersunik Namminersorlutik Oqartussat atuisarpat?  
Taamaassimappat qanoq annertutigisumik atuisoqarpa?

Isumaqatigiinniartarnermut, aqutsinermut aammalu nalunaarusiortarnermut atatillugu EU-  
mut tunngasumik sulinermi Namminersorlutik Oqartussani sulisut qanoq amerlatigisut  
atorneqarpat?

### 6.4 Konto pingaarneq 20.10.13 KNR-ip tiguisinnaatitaanermut piginnaatinneqarneranik isumakkeerinnineq

Aningaasaqarnikkut nappanneqarsinnaasunik ukiumoortumik naatsorsuutini ukiut kingullit  
marluk KNR tunniussisarsimasoq Naalakkersuisut paasissutissiitigaat. Ilassutitut aningaasa-  
liissuteqarnissamik qinnuteqaatit ukiuni kingullerni Aningaasaqarnermut Akileraartarner-  
mullu Ataatsimiititaliamut nassiunneqartartut amerlassusiat KNR-ip aningaasaqarnikkut  
nappanneqarsinnaaneranik Naalakkersuisut oqarnerannut qanoq ataqatigiissinneqarsin-  
naava?

### 6.7 Konto pingaarneq 20.11.51 Nutarterinerit sunniutaat

15 %-it nalinginnaasumik suliffeqalernissaat, piginnaanngorsaqinnissaat oqitsunilluunniit  
suliffeqalernissaat Naalakkersuisut qanoq naatsorsorpaat?

Kommunit oqaloqatigeqqaarnagit siusinaartumik pensionisianik nutarterinissap aappassaa-  
neernejarnissaa pingajussaaneernejarnissaalu UKA 2015-imut kinguartinneqarsimasut  
Naalakkersuisut allammata isumakulunnarpoq. Siusinaartumik pensionisianik nutarterinerup  
suliarineqarnerani kommuninik qanimut Naalakkersuisut oqaloqatiginnissimasorinangin-  
nerannut suut pissutaappat?

### 6.11 Konto pingaarneq 20.30.01 Aningaasaqarnermut Sulisoqarnermullu Aqutsisoqarfik, ASA, allaffissorneq

Nakkutilliinermik nukittorsaaneq sinaakutissat pigineqartut iluanni pisimasoq Naalakker-  
suisut paasissutissiipput. Taamatut nukittorsaaneq tamakkiisumik naammattutut Naalakker-  
suisunit isigineqarpa?

### 6.16 Konto pingaarneq 24.01.01 Akileraartarnermut Aqutsisoqarfik, allaffissorneq

Naalakkersuisut akissutaat ima paasineqassava nakkutilliinermik akileraarusersuinermillu  
nukittorsaaneq sulit piviunngortinneqanngitsoq?

### 6.18 Konto pingaarneq 24.10.10 Nuna tamakkerlugu akileraarut

Marloqiusamik akileraartarneq pillugu isumaqatigiissummut tunngatillugu Kalaallit Nunaata  
isumaqatigiissutip ilaanik sulit naammassinninnginnera qanoq kinguneqarpa?

6.19 Konto pingaarneq 24.10.11 Nuna tamakkerlugu immikkut akileraarut

Naalackersuisut allannguutissatut siunnersuutaannut nr. 134-mut, ukiuni missingersuusiorfiusuni isertitassanik 20 mio. kr.-inik annaasaqarfiusumut attuumassuteqarpa?


Naalackersuisumik siunersiuinermini allanik aamma apeqquteqarnissani ataatsimiititaliap naatsorsuutigaa.

-----

Ataatsimiititaliap Naalackersuisumik siunersiuinerata Naalackersuisup ataatsimiititaliallu akornanni pingaarnersiulluni tullerriaarinerit anguniakkallu pillugit naalackersuinermut tungasumik oqaloqatiginnertut sapinngisamik iluseqartinneqartarnissaa Aningaasaqarnermut Ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allassimasut pillugit allakkiamik kalaallisut danskisullu ataatsimiititaliap Naalackersuisumik siunersiuineranut atatillugu pissarsisinneqarnissani ataatsimiititaliap kissaatigaa. Allakkiap kingusinnerpaamik ataatsimiititaliap Naalackersuisumik siunersiuinerata kinguninngua uunga nassionneqarnissaa qinnutigineqarpoq: sakkak@ina.gl. Allakkiap ataatsimiititaliap Naalackersuisumik siunersiuineranut nassarneqarpat atorneqarpallu taassuma nuutinnera ataatsimiititaliap Naalackersuisumik siunersiuinerata aallartinnerani ataatsimiititaliap oqalutnaanut ataatsimiititaliallu allattaanut tunniuteqquneqarpoq.

Inussiarnersumik inuulluaqqusillunga



Jens Immanuel  
Ataatsimiititaliap siulittaasua



## Allakkat kimukarneri:

Inatsisartut Aningaasaqarnermut Ataatsimiititaliaat

### Isumasioqatigiinnissamut atatillugu apeqqutitut akissut

Ulloq 15. april 2015 nal. 18 Isumasioqatigiinnissamut aggersaanermut atatillugu 2015-imut Aningaasanut Inatsisissatut Siunnersuummut tunngatillugu ilassutinik arlalinnik apeqquteqartoqarpoq, taakkulu tullinguuttuni akissuteqarfigineqassapput.

#### 3.4. Immikkoortoq 2. Aningaasaqamikkut ingerlatsinermi anguniakkat.

*Apeqquut a)-mut Naalakkersuisut akissutaanni oqaaseqatigiit siulliit ersemerlulaarput. Paatsoortoqaqqunagu akissutip erseqqinnerusumik oqaasertalersomeqamissaanik Naalakkersuisut qinnuigineqarput.*

#### **Akissut:**

Oqaaseqatigiinni naqinnerliuinikkut kukkusoqarsimavoq. Aningaasaqarnikkut ingerlatsinermi pingaarnerusutigut anguniakkat tullinguuttuni allaaserineqarpput.

#### Ungaluligaq 1: Aningaasaqarnikkut ingerlatsinermut pingaarnertigut anguniakkat

- Arlalinnik sammiveqartumut imminullu napatittumut aningaasaqarnermut allanngineq
- Siunissami qanittumi anguniakkat
  - Ukiuni missingersuusiorfiusuni IS oqimaaqatigiittoq
  - Nunatta karsiani aningaasartuutit tamarmiusut minnerpaamik 10 pct.-iinik akiliisinnaassuseqarneq
- Siunissami ungasinnerusumi anguniakkat
  - Aningaasaqarnikkut ingerlatsinermi piffissami sivisunerusumi attassisinnaanissaq
  - Inuiaqatigiinni aningaasaqarnikkut akiliisinnaassutsikkullu siuariartorneq

Tamatuma saniatigut apeqqummut 3.3.-mut akissutit innersuussutigineqarput.

3.9. Immikkoortoq Kommunit aningaasaqamerat, (apeqqut b-mut akissummut atatillugu)  
*Kommunip ataatsip avinneqamissamik kissaateqamera ataatsimiititaliamit isumaliutigineqarpoq. Tassunga atatillugu kommunip akiitsuisa kommunit nutaat marluk akomanni qanoq avinneqamissaat Naalakkersuisunit qanoq eqqarsaatigineqanersoq paasissutissiissutigineqassasoq ataatsimiititaliamit kissaatigineqarpoq?*

**Akissut:**

Kommunit avinneqarnerisigut akiitsut avinneqarnissaanik apeqquut pingaaruteqartorujussuuvoq. Kommunit avinneqaratarsinnaaneritigut aningaasartuutissat qulaajarniarlugit pingaarnerusutigut misissueqqissaarnissaq aallartinneqarpoq. Akiitsut avinneqarsinnaanerit tunngatillugu Qaasuitsup Kommuniamamma tusarniaavigineqassaaq. Naalakkersuisut misissueqqissaarnissaq kommunillu isummaminik saqqummiinissaa utaqqimaaqqaarniarpaat. Naalakkersuisuttaaq kommunip massakkut akiitsuisa appartinneqarnissaat pillugu kommunimik isumaqatigiissuteqalerput, ajornanngippat massakkut kommunalbestyrelsusut qinigaaffiat naatinnagu.

3.11. Immikkoortoq 3.2.1. Naligiissaareriaaseq ataatsimoortumillu tapiissuteqariaaseq nutaaq(apeqquut b-mut akissummut atatillugu)

*Naligiissaarinermit aaqqissuussineq pillugu isumaqatigiissut qaqugu naammassineqartussat Naalakkersuisunit naatsorsuutigineqarpa? Suliamut tassunga atatillugu suut akimmiffiusut Naalakkersuisunit isigineqarpat?*

**Akissut:**

Naalakkersuisut naatsorsuutigaat naligiisaarinissamut nutaamut isumaqatigiissutissaq ukariartulernerani naammassineqareersimassasoq, taamaasilluni pineqartoq 2016-imut Aningaasanut Inatsisissatut Siunnersuumut aammalu kommuninut ataatsimut tapiissutissat pillugit isumaqatigiissutissamut ilaasinnaaqqullugu. Isumaqatigiissuteqarnissamut akimmiffik annerpaaq tassaavoq illuatungeriit tamarmik immikkut assigiinngitsunillu soqutigisaqarnerat. Aaqqissuussinissaq ikorfartorsinnaajumallugu paasissutissat amigaataanerit unammilligassaavortaaq. Suliaasaqarfinnut assigiinngitsunut tunngatillugu paasissutissat tunngavigineqartussat suliaralugit Naalakkersuisunit aallartinneqarput.

3.20. Immikkoortoq 5, Naalakkersuisut salliutitaat, qupperneq 106

*Allannguutissatut siunnersuut nr. 134 Naalakkersuisunit saqqummiunneqarpoq, tassani allassimalluni 20 mio. kr.-t ukiuni missingersuusiorfiusuni isertitassaraluit annaaneqassasut. 27. november 2014-imili paasissutissanik allanik Naalakkersuisut suli tigusaqarsimanninnerarlugit Naalakkersuisut akissuteqamerannut tamanna qanoq ataqatigiippa?*

**Akissut:**

Allannguutissatut siunnersuummi nr. 134-imi ilaatigut allassimasutut "Konto pingaarnermi matumani isertitassatut sillimmatit qanoq annertutiginissaat aningaasanut inatsiseqarfiusuni 2015-2018-imi ingerlatsinermi sanaartornermilu aningaasartuutit isertitallu (IST-mi angusat) oqimaaqatigiissinneqarnissaanik Naalakkersuisut kissaateqarnerat eqqarsaatigalugu aalajangerneqarpoq."

Isertitassatut sillimmatit appartinniarneqarput aappassaaneerinninnissamut allannguutissatut siunnersuutit allat katinnerisa taamatut iliornissamut periarfissaqartitsilernerani kisiat patsisigalugu, taamaasiortoqassaarlu IS-angusat ukiuni aningaasanut inatsiseqarfiusuni tamani 2015-2018 oqimaaqqatigiissuunissaanik Naalakkersuisut anguniagaat aallaavigalugu. Isumasioqatigiinnissamut tassunga tunngatillugu apeqquummut 6. 19-imut akissutigineqartut innersuussutigineqarputtaaq.

Ilutigalugu ilisimatitsissutigineqassaaq allannguutissatut siunnersuumut 134-mut tunngatillugu isertitassanik annaasaqartoqarnissaanik oqalunneq tunngavissaqanngimmat, uanimi pineqarmat konto pingaarneq 24.13.50 Akileraartarnermi Akitsuusersuisarnermilu isertitaqaataanerusussanut sillimmatit. Allannguutissatut siunnersuuteqarnikkut IS-angusat ukiuni aningaasanut inatsiseqarfiusuni tamani 2015-2018 oqimaaqqatigiisuunissaannik anguniagaq angusinnaajumallugu AIS2016-ip suliarinerani taamaallaat pisariaqartinneqassaaq isertitaqaataasussat nutaat ikinnerusullu pissarsiariniarnissaat imaluunniit aningaasartuutissanik annikinnerusumik ikililerinissaq.

## 6.2. Konto pingaameq 20.05.44 EU-mik suleqatigiinnissamut isumaqatigiissummit isertitat

*EU-mik suleqatigiinnissamut isumaqatigiissutip aqunneqarneranut EU-mullu nalunaarusiortarnermut atatillugu sulisunik avataaneersunik Namminersorlutik Oqartussat atuisarpat? Taamaassimappat qanoq annertutigisumik atuisoqarpa? Isumaqatigiinniartarnermut, aqutsinermut aammalu nalunaarusiortarnermut atatillugu EU-mut tunngasumik sulinermi Namminersorlutik Oqartussani sulisut qanoq amerlatigisut atomeqarpat?*

### **Akissut:**

Ilinniartitaanermut, Kulturimut, Ilisimatusarnermut Ilageeqarnermullu Naalackersuisoqarfiup (IKIIN) nalunaarutigaa IKIIN 2014-imiit suleqatigiinnissamik isumaqatigiissutip aqunneqarneranut EU-mullu nalunaarusiortarnermi sulisunik avataaneersunik atuisarunnaarsimasoq.

Isumaqatigiissummut tunngatillugu isumaqatiginninniarnernut, aqutsinermut nalunaarusiortarnermullu tunngatillugu ulluinnarni IKIIN-imi suli at suliassaqarfimmu tassunga suleqatigiittut pilersaarusiortartunit isumagineqartarput. Suleqatigiittut pilersaarusiortartut Naalackersuisut Ilinniartitaanermut periusissaat aamma ilinniartitaanermut pilersaarutaat II eqqarsaatigalugit nammineq nalunaarsuisarnermut, malitseqartitsisarnermut nalunaarusiortarnernullu tunngasut IKINN-imut attuumassutilit isumagisarpaataaq. Taamaasillutik suli at EU-mik suleqatigiinnissamik isumaqatigiissummut pituttorsimasuunngillat, namminerlu nalunaarsuisarnermut aamma EU-mut nalunaarusiortarnerit ilaatigut imminnut qaleriissinnaassarlutik. Atorfii akuerisaareersut pingasuupput allanillu aamma suliassaqartarlutik. Naatsorsuutigineqarpoq ukiumut atorfii marluk missaat suleqatigiit suliaanut siuliani aallaaserineqartunut atorneqartartut, taakkulu tassaallutik nammineq avataanilu atugassanik nalunaarusiortarnerit.

Europa-Kommissionenimik ukiumut marloriarluni oqaloqatigiinnertut isikkoqarnerusutut allaffissortunit ataatsimeeqqatigiinnerit ingerlanneqartarput. Ataatsimiinnerit paarlakaajaallugit Kalaallit Nunaanni Bruxelles-imilu ingerlanneqartarput. Ataatsimiinnissanut tunngatillugu Namminersorlutik Oqartussat atorfilittataasa angalaneranut aningaasartuutit EU-p missingersuutaanit akilernerqartussaatinngit taakku nammineq aningaasartuutigineqartarput.

IKIIN konto pingaarneq 40.01.08 Suleqatigiinnissamut Isumaqatigiissutip piviusunngortinnissaanut ilinniartitaanermut pilersaarut aqutigalugu 2015-imi tassunga atugassanik 200.000 kr.-nik aningaasaliiffigineqarsimavoq. 2014-imi siunertamut

tassunga 124.000 kr.-t atornerqarput. Missingersuut taana aqqutigalugu assersuutigalugu angalanernut aningaasartuutit aamma suliat nutserneqarneri matussuserneqartarput.

6.4. Konto pingameq 20.10.13. KNR-ip tiguisinnaatitaanermut pisinnaatinneqarneranik isumakkeeriiminneq

*Aningaasaqarnikkut nappanneqarsinnaasumik ukiumoortumik naatsorsuutini ukiut kingullit marluk KNR tunniussisarsimasoq Naalakkersuisut paasissutissiissutigaat. Ilassutitut aningaasaliissuteqamissamik qinnuteqaatit ukiuni kingullemei Aningaasaqamermit Akileraartamernullu Ataatsimiititaliamut nassiunneqartartut amerlassusiat KNR-ip aningaasaqarnikkut nappanneqarsinnaaneranik Naalakkersuisut oqamerannut qanoq ataqatigiissinneqarsinnaava?*

**Akissut:**

Ilinniartitaanermut, Kulturimut, Ilisimatusarnermut Ilageeqqarnermullu Naalakkersuisoqarfiup nalunaarutigaa KNR-ip aningaasaqamikkut nappanneqarsinnaaneranik oqarneq KNR-ip suliassai KNR-imut konto pingaarnermi aqqutigalugu aningaasanut inatsimmi aningaasaliissutigineqartut aallaavigineqarmata.

KNR suliffeqarfiunngilaq imminut pigisoq. KNR suliffeqarfiuvoq pisortanit pigineqartoq namminerlu ingerlasoq. Tamanna suleriaaseq naapertorlugu isumaqarpoq KNR illut atugai eqqarsaatigalugit illut iluini aserfallatsaaliuisarnissaq KNR-imit taamaallaat akisussaaffigineqarmat aammalu KNR-imit tunngavigineqarmat inini Namminersorlutik Oqartussanit pigineqartuni KNR-imullu atugassangortinneqarsimasuni "ininut akiliuteqannginnissani". KNR-imut tunngatillugu ilassutitut aningaasaliissutit annertunersaat illuutitut tunngatillugu immikkut aningaasartuutissanut atugassaapput tassunga ilanngullugit teknikkikkut atorlut aningaasartuutaasaqsumik nutserneqarneri taakkulu KNR-imut aningaasaliinissamat tunngavissani ilaatinneqarsimanngillat. KNR-imut AI 2014-imi aningaasaliissutit 3 mio. kr.-nik amerlineqarput najugaqarnernut massakkut immikkut aningaasartuutissanut atugassatut KNR-ip aalajangersimasumik inissaqalernissaannut tungaanut.

Siuliani allaaserineqartut saniatigut immikkut aningaasaliiffigineqarnissamik qinnuteqaateqartoqarpoq 2014-imi Inatsisartunut qinersinermut atatillugu KNR-ip aningaasartuutaanut matussutissatut, qinersineq Inatsisartunut qinersisoqareernerata kinguninngua pimmat. KNR-ip naatsorsuutigaa Inatsisartunut qinersinissanut immikkut aningaasartuutaasartussanut ukiut arlallialuit atorlugit "aningaasanik katersisinnaanissani", tamannali pisinnaasappat taamak akulikitsigisumik qinersisarnerit ingerlanneqartariaqassanngillat soorlu qinersinerit kingullit marluk taamak pimasut.

KNR-ip aningaasaqarnikkut imminut napatissinnaanera taamasilluni paasineqarpoq ima paasillugu KNR ingerlatsineq nalinginnaasoq eqqarsaatigalugu aningaasanut inatsit aqqutigalugu aningaasaliissutigineqartut atorlugit ukiuni marlunni kingullerni sinneqartoorsinnaasimmat.

6.7. Konto pingameq 20.11.51 Nutarterinerit sunniutaat

*1) 15 %-it nalinginnaasumik suliffeqalemissaat, piginnaanngorsaqqinnissaat oqitsimilluunniit suliffeqalernissaat Naalakkersuisut qanoq naatsorsorpaat?*



*Kommunit oqaloqatigeqqaamagit siusinaartumik pensionisianik nutarterinissap aappassaaneerneqarnissaa pingajussaaneerneqarnissaalu UKA 2015-imut kinguartinneqarsimasut Naalakkersuisut allammata isumakulunnarpoq. Siusinaartumik pensionisianik nutarterinerup sularineqarnerani kommuninik qanimut Naalakkersuisut oqaloqatiginnissimasorinanninnerannut suut pissutaappat?*

**Akissut:**

1) Kisitsisini tullinnguutuni saqqummersinneqarput siusinaartumik pensionisiallit B-inik isertitarisartagaat, tassalu siusinaartumik pensionisiallit inuttut nammineq isertitarisartagaat. Tabelip takutippaa, siusinaartumik pensionisiallit 221-t 100.000 kr.-t sinnerlugit saniatigut isertitaqartut, siusinaartumik pensionisiallit 447-t 50.000 kr.-t sinnerlugit saniatigut isertitaqartut.

Aaqqissuusseqqinnissamik siunnersuummi pineqarput siusinaartumik pensionisiallit 15%-ii nalilersoqqinneqartussaasut, tassa imaappoq siusinaartumik pensionisiallit 60-it inorlugit ukiullit, taakkulu tassaapput siusinaartumik pensionisiallit 300-t. Taamaattumik 155-it piviusorsioituullutillu anguneqarsinnaarpassissuupput.

Saniatigut isertitat 2013	Arnat	Angutit	Katillugit
0-24.999	1.108	1.164	2.272
25.000-49.999	96	121	217
50.000-74.999	58	76	134
75.000-99.999	39	53	92
100.000-124.999	28	29	57
125.000-149.999	30	15	45
>150.000	47	72	119
Tamakkerlugit	1.406	1.530	2.936

2) Ilaqutariinnermut, Naligiissitaanermut Isumaginninnermullu Naalakkersuisoqarfiup ilisimatitsissutigaa Ilaqutariinnermut Peqqinnissamullu Ataatsimiititaliap kissaatigisimagaa suliassap sularinissaanut piffissaqarnerujumalluni aammalu tamanna immikkoortup aappassaaneernissaata pingajussaaneernissaatalu UKA2015-imut kinguartinneranut patsisaarpiartoq.

Aaqqissuusseqqinnissap aappassaaneernissaata pingajussaaneernissaatalu kinguartinneqarneratigut ataatsimiinnerit marluusut akornanni aaqqissuusseqqinneq pillugu kommuninik oqaloqatiginnissinnaanissaq periarfissinneqassaaq. Assersuutitut taaneqarsinnaavoq ikaarsaariarnermi aningaasalersuinissat ilusissaat illuatungeriinnit naammagisimaaneqartoq ujarorneqassaaq. Siusinaartumik pensionisianut aningaasartuutit agguarneqartarneri eqqarsaatigalugit ullumikkut 90/10-mik 50/50-imillu aaqqissuusaqarpoq. Aaqqissuusseqqinnissamik siunnersuummi anguniarneqarpoq 0/100-mik aaqqissuusisoqassasoq. Tamaattumik UKA2015-imi aappassaaneerinninnissaq pingajussaaneerinninnissarlu pitinnagit apeqqut pillugu kommuninik oqaloqateqarneq pisinnaassaaq ajornanngippallu kommunik ataatsimut tapiissutissat isumaqatiginninniutigineqarnerisa nalaanni.

Siusinaartumik pensionisiat aaqqissuuteqqinnissaani siusinaartumik pensionisiallit pillugit nalunaarussiaq 2008-meersoq aallaavigineqarpoq taannalu 2014-imi tusarniutigineqarsimalluni. Suliassat piareersarlugit aallartisarneqaleruttorput

taamaattumik kommunik nalilersueqqinnissaat ajornanngippat aporfeqannginnerpaamik pisinnaaqqullugu.

6.11. Konto pingameq 20.30.01 Aningaasaqamermit Sulisoqamerullu Aqutsisoqarfik, ASA, allaffissomeq

*Nakkutilliinermik nukittorsaaneq sinaakkutissat pigineqartut iluanni pisimasoq Naalackersuisut paasissutissiipput. Taamatut nukittorsaaneq tamakkiisumik naammattutut Naalackersuisunit isigineqarpa?*

**Akissut:**

Nakkutilliinermik suliat nukittorsarnissaat aningaasaqarnikkut maliteqartitsisarnerni nukittorsaanissamik suliniutinut allanut aallartinneqareersunut ilaasutut isigineqarpoq. Nakkutilliinermik suliat Aningaasaqarnermit Sulisoqarnermullu Aqutsisoqarfimmi pilersinneqarput tassanittaag immikkoortortaqaqarfinni missingersuussiortarnermik akisussaasut piginnaasaaasa qaffassarnissaanut ilinniaqqinnissamik neqerooruteqartoqarsimalluni. Tamatuma saniatigut Aningaasaqarnermit Naalackersuisoqarfimmi Kalaallit Nunaanni pisortat aningasanik aqutsisarnerinut atatillugu piginnaasat paasiniaaffiginarlugit suliniummik aallartitsisoqarpoq, tassani Kommunit kattuafiata Siunnersorteqarfia ingerlatsisuussalluni. Suliniummut tunngatillugu 2015-imi nalunaarusiamik saqqummiisoqassaaq. Tamatuma kingorna nakkutilliisutut ilinniartitsilivissinnaanissamut apeqquq Aningaasaqarnermit Sulisoqarnermullu Aqutsisoqarfimmit isummerfigineqassaaq. Suliassaqaqarfimmut tassunga tunngatillugu tamakkiisumik nukittorsaaneq naammannersoq 2015-ip 2016-illu ingerlanerani nalilersuiffigineqassaaq.

6.16. Konto pingameq 24.01.01 Akileraartamermit Aqutsisoqarfik, allaffissorneq Aqutsisoqarfik, allaffissomeq Naalackersuisut akissutaat ima paasineqassava nakkutilliinermik akileraarusersuinermillu nukittorsaaneq suli piviusunngortinneqanngitsaq?

**Akissut:**

Naagga, taamatut paasineqassanngilaq. Nunanut allanut tunngasunut allaffik ullumikkut pingasunik sulisoqarpoq tamatumalu saniatigut Kukkuusersuinermit allaffiup pisortaa allaffimmi tassani pisortaagallarluni, pisortanngortussap eqqortunik piginnaanillip nassaarinissaata tungaanut taama atorfeqarallassalluni.

Tassunga atatillugu aamma eqqaasinnaavara allaffik pineqartoq suliassamik ullumikkut malinnaammat.

6.18. Konto pingameq 24.10.10 Nuna tamakkerlugu akileraarut Marloqiusamik akileraartameq pillugu isumaqatigiisummut tunngatillugu Kalaallit Nunaata isumaqatigiisutit ilaanik suli naammassinninnginnera qanoq kinguneqarpa?

**Akissut:**

Isumaqatigiisummi pisussaaffinnik Kalaallit Nunaanniit suli naammassinnittoqarsimannginnera maannakkumut annertunerusumik sunniuteqarsimanngilaq. Qallunaat nunaanniit tamanna qanoq isumaqarfigineqarnersoq Naalackersuisut tusarsimanngilaat.

UPA 2016-imi imaluunniit UKA 2016-imi Naalakkersuisut naatsorsuutigaat aningaasaleeqataassutit akileraarusersorneqartarnerat pillugu siunnersuutiniq marlunnik saqqummiussinissartik. Siunnersuut ataaseq pensionisiassanit iluanaarutiniq akileraarusersueriaatsip (PAL-akileraarummut) tunngavoq. Siunnersuutillu aapparaa pappiaqqanik aningaasanik nalilinnik akileraarusersuinermit tunngasoq. Siunnersuutissat taakku ataatsimut isigalugit akileraarusersueriaatsit arlaannaannulluunniit kalluaanaveersaartitsisussaapput ullumikkut atuuttunut naleqqiullugu. Ullumikkummi sulinermit suliffeqarfinniillu isertitat annerusumik akileraarusersorneqartarmata.

6.19. Konto pingameq 24.10.11 Nuna tamakkerlugu immikkut akileraarut Naalakkersuisut allannguutissat siunnersuutaannut nr. 134-mut, ukiumi missingersuusiorfiusumi isertitassanik 20 mio. kr.-nik annasaqarfiusumut attumassuteqarpa?

**Akissut:**

Naamik, allannguutissat siunnersuut nr. 134 aamma apeqqu tip 6.19-ip konto pingarneq 24.10.11 Nuna tamakkerlugu immikkut akileraarutit pillugit akissut imminnut attuummassuteqanngillat.

Allannguutissat siunnersuummi nr. 134-imi konto pingarnerup 24.13.50-imi isertitassat sillimmatit 2016-imit 20 mio. kr.-nik appartinniarneqarput. Isertitassat sillimmatit appartinniarneqarput aappasaaneerinninnissamut allannguutissat siunnersuutit allat katinnerisa taamatut iliornissamut periarfissaqartitsilernera kisiat patsisigalugu, taamaasiortoqassaarlu IS-angusat ukiumi aningaasanut inatsiseqarfiusuni tamani 2015-2018 oqimaaqqatigiissuunissaannik Naalakkersuisut anguniagaat aallaavigalugu. Konto pingarnerup 24.13.50-ip ataani isertitassat sillimmatit 2016-imit ukiumut 5 mio. kr.-t missaanik qaffanneqarsinnaanissaat pingajussaaneerinninnissamut qinnutiginiarneqarpoq Great Greenlandip 2015-imi 15 mio. kr. missaannik aningaasaliffiqineqaaqqittariaqarnissaa pisariqassangatinneqarmat.

Inussiarnersumik inuulluaqqusillunga



Anda Uldum





INATSIARTUT

## Aningaasaqarnermut Aatsitassanullu Naalackersuisoq

-/ Maani

Dato: 14. april 2015

J.nr.: 01.31.11-00014

### 2015-imut aningaasanut inatsisissatut siunnersuummut Naalackersuisut allannguutissatut siunnersuutaat

#### 1. Aallarniut

2015-imut aningaasanut inatsisissatut siunnersuummut allannguutissatut siunnersuutitut Aningaasaqarnermut Ataatsimiititaliap apeqquuai oqaaseqaataalu matumuuna nassiunneqarput.

Aningaasaqarnermut Akileraartarnermullu Ataatsimiititaliap Aningaasaqarnermut Aatsitassanullu Naalackersuisoq pingasunngornermi ulloq 15. april 2015, nal. 18.00 imaluunniit inersuarmi ataatsimiinnerup kingorna ataatsimiittarfik 1-imi siunersiorneqarnissamut aggersarpaa.

Ataatsimiititaliap siunersiuinissamut apeqquutaanut atatillugu ilassutitut apeqquutit oqaaseqaatillu matuma kingulianiittut ataatsimiititaliamit nassiunneqarput.

#### Ilanngussaq 1-imut, aningaasaliissutitut takussutissiaq

#### Sammissaq 1-imut: Aaqqissuinikkut allannguutit

##### 1.1. AS nr. 13 - 84.40.10 Kommunini atuarfiit

Ajornartorsiut tamanna qanoq annertutigisutut Naalackersuisunit takorloorneqarnersoq aammalu piffissaq qanoq sivisutigisoq Naalackersuisut sulinermit atorniarneraat paasissutissiisutigineqassasoq ataatsimiititaliamit kissaatigineqarpoq.

Aammattaaq apeqquutini 16.4, 18. marsimeersoq kontomut pingaarnermut matumunnga atuummassuteqartoq aammalu Naalackersuisut ataatsimiititaliap apeqquutaanut akissuteqarnerminni ajoraluartumik akingisaat ataatsimiititaliamit innersuussutigineqassaaq. Taamaattumik ataatsimiititaliap 18. marsimi apeqquutaanut allakkatigut akissumik piaartumik nassiusseqqullugit Naalackersuisut ataatsimiititaliamit qinnuigineqarput.

Tassunga aamma atatillugu ataatsimiititaliap 18. marsimi apeqquutaanit makku allakkatigut akissuteqarfigineqassasut ataatsimiititaliamit qinnutigineqarpoq:

16.1 Konto pingaarneq 82.20.02 Pisariillisaaneq-suliniut, ERP

16.5 Konto pingaarneq 84.40.15 Ilinniartut inaannik sanaartorneq

16.6 Konto pingaarneq 84.40.16 Kultureqarnermut sanaartukkat

16.12 Konto pingaarneq 87.72.23 Inissialortiternermut tapersiissutit, iluarsaassinissamut tapiissutit

**Sammissaq 2-mut: Missingersuutitut sunniuteqanngitsumik allannguutit**

**1.2. AS nr. 17/18 - 10.01.10 Naalackersuisut Siulittaasuat aamma AS 21 - 27.01.01 Nunanut Allanut Pisortaqarfik**

Allannguutissat siunnersuummut siuliani allassimasumi siunertarineqartoq tunngavilersoq-qullugu nassuiaatigeqqullugulu Naalackersuisut qinnuigineqarput.

**Sammissaq 4: Ukiumut 50 mio. kr.-inik sipaaruteqarneq**

**1.3. AS nr. 46-127 -**

Sipaarutissat ataasiakkaat pillugit aalajangerniarnermik ingerlatsineq qanoq pisimava? Sipaarutissat annertussusissat kingunerisassaallu pillugit immikkoortoqarfiit ataasiakkaat imaluunniit taakku immikkoortoqarfii tusarniarneqarsimappat aammalu aqutsiveqarfiit eqqor-neqartut suliasaminnik illersorneqarsinnaasumik isumaginnissinnaanissaat ilanngullugu eqqarsaatigineqarsimava?

Immikkut suliniuteqarfiit aallartinneqareersimasinnaasut kinguartoornissaat pinngitsoortinni-arlugu sipaarutissat ataasiakkaat naleqqussarneqarsimappat aammalu immikkoortortat sulif-feqarfiilluunniit ataasiakkaat sulisunik amigaateqareersinnaanerata ilanngullugu eqqarsaatigi-neqarsimava?

Allannguutissat siunnersuutitut saqqummiunneqartunut qulequtakkuutaartumik oqaase-qaatissanik siunissami oqaasertaliisaqqullugit Naalackersuisut ataatsimiititaliamit kaammattor-neqarput, taamaalilluni allannguutissatut siunnersuutit siunertarisaat kingunerisassaallu ersarinnerusumik allassimasinnaaqqullugit.

Allannguutissat siunnersuut nr. 76, 34.12.01 Peqqinnissaqarfiit, nakorsanit sullinneqarneq, eqqarsaatigalugu kontomut pingaarnermut allannguutissatut siunnersuutip Naalackersuisu-mik siunersuinermit itisilerneqarnissaa ataatsimiititaliamit kissaatigineqarpoq.

**Sammissaq 7: Konto pingaarneq 20.11.51 Aaqqissuuseqqinnerit sunniutaat**

**3.4. AS nr. 132 – 20.11.51 Aaqqissuussegqinnerit sunniutaat**

Allannguutissatut siunnersuutip kingunerisassai eqqarsaatigalugit konto pingaarnep ataat-simoortumik misissorneqarneratigut allannguutissatut siunnersuutip itisilerneqarnissaa ataat-simiititaliamit kissaatigineqarpoq.

**Sammissaq 9: Konto pingaarneq 24.13.50 Akileraartarnermi akitsuusiisarnermilu isertitaqarnerulernissamat sillimmatit.**

**3.5. AS nr. 134 – 24.13.50 Akileraartarnermi akitsuusiisarnermilu isertitaqarnerulernissa-mut sillimmatit**

Allannguutissatut siunnersuutip kingunerisassai eqqarsaatigalugit konto pingaarnep ataat-simoortumik misissorneqarneratigut allannguutissatut siunnersuutip itisilerneqarnissaa ataat-simiititaliamit kissaatigineqarpoq.


Naalackersuisumik siunersuinermini allanik aamma apeqquteqarnissani ataatsimiititaliap naatsorsuutigaa.

Ataatsimiititaliap Naalackersuisumik siunersuinerata Naalackersuisup ataatsimiititaliallu akornanni pingaarnersuilluni tulleriiaarinerit anguniakkallu pillugit naalackersuiner-mut tunngasumik oqaloqatigiinnertut sapinngisamik iluseqartinneqartarnissaa Aningaasaqarner-

mut Ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allassimasut pillugit allakkiamik kalaallisut danskisullu ataatsimiititaliap Naalakkersuisumik siunersiuineranut atatillugu pissarsisinneqarnissani ataatsimiititaliap kissaatigaa. Allakkiap kingusinnerpaamik ataatsimiititaliap Naalakkersuisumik siunersiuinerata kinguninngua uunga nassiunneqarnissaa qinnutigineqarpoq: [saam@ina.gl](mailto:saam@ina.gl). Allakkiap ataatsimiititaliap Naalakkersuisumik siunersiuineranut nassarneqarpat atorneqarpallu taassuma nuutinnera ataatsimiititaliap Naalakkersuisumik siunersiuinerata aallartinernerani ataatsimiititaliap oqalutnaanut ataatsimiititaliallu allattaanut tunniuteqquneqarpoq.

Inussiarnersumik inuulluaqqusillunga



Jens Immanuelson  
Ataatsimiititaliap siulittaasua